



السيرة الذاتية

فاتن سعد محمود العوامي .

مواليد مركز المنشأة، محافظة سوهاج، يوم ٣ أغسطس
سنة ١٩٩٠، تخرجت سنة ٢٠١١ بكلية الآداب قسم
اللغة الإنجليزية بجامعة سوهاج.

حاليا طالبة بالتمهيدي ماجستير في الأدب الإنجليزي ،
وتعمل في شركة سياحية .

الهوايات الشعر والرسم والعزف على الكمنجة .

للتواصل : #فاتن_سعد

facebook.com/fatens.mahmoud

الإهداء

إلى الناس اللي ساندتني وساعدتني وخلتني أقول
أشعار ..

إلى الأب اللي ثبتني على المبدأ وسهلي قوي المشوار .
إلى الأم اللي شافت فيا شيء ثاني ، وجعلت ليلى ألف
نهار .

ول إخواتي الصغار طبعًا .. ده برغم إن هم كبار
"سميره ، ناهد" .

ول إخواتي اللي قالوا عنهم أصحابي .. لأجدع شلة في
الدنيا .. لناس ذكرتني في غيابي ، ولو كان الغياب
ثانية #أصحابي_حياتي

وللناس اللي مهد العلم
ورفعولي رايات الحلم
وزرعوا لي ميئين حافز
وشافوا الشعر شيء جايز
#أساتذتي_في_الجامعة

لرفقاء العمل والدرب
ورُسام الأمل في الحرب
#أصدقاء_العمل

لكل اللي كلامي مش هيكفيهم
لناس شافوا الأمل فيا وأنا شفت الأمل فيهم
بقول شكرًا وشكرًا مش هتوفيهم
#خالي_العزیز

فاتن سعد

بحار

الف وادور ..
بحور وبحور ..
والغربة عنواني ..
يضيع النور
يديق السور ..
واتوه وانا مكاني ..
أطوي الزمان انا طي ..
واركب خيول الليل ..
ما انت لعيوني الضي ..
بلسم لقلب عليل ..
ينورلي الطريق ..
يحميني من غدر الزمان ..
يكون ليا صديق
يبقي حمي وامان
أرحميني ..
ده انا جناح مكسور ..
لعصفور جوا بحورك تاه ..
كنت لعنيه النور ..
قلبك ده كان مرساه ..
والحب فيكي اكتمل ..

وكانت بداية جديدة ..
والفرح يرسم امل ..
بحياة معاكي سعيدة ..
مسيري في يوم اعود ..
اخطفك من نفسك ومكانك ..
وننسى اي عهود ..
تبقى اميرة زمانك
عزفت مليون عود ..
بالتوهمه ف احزانك

دقة قلب

الحب دقة قلب ..
ترياق لكل عليل ..
ايه ثاني غير الحب ..
بنغني ليه مواويل ..
واحنا لما نحب اكثر ..
خوفنا مـ الفراق بيكبر
الخوف بطبعه انتهازى
ومعشش فـ القلوب
الخوف ده طريق موازي ..
ماشي مع المحبوب ..
عمر ماكان الفراق
اكبر من اي ظروف ..
راح تبقي يوم مشتاق
تبعد ،، بسبب الخوف

الذكرى

اليوم وجاي وبكرة
رغم اختلاف الامس
الامس اصبح ذكرى
تشفى الجراح باللمس
والذكرى شوق وحنين
آهه و وجع وانين
فرحة وتوهة ولغز
وبيسكن العاشقين
الماضي حاكم ومحكوم
والحكم بعد المداولة
ظالم ويوم مظلوم
والقلب بالعدل اولي
دايما يبات محروم
وبشوقه ياخذ جوله
فمتاهة جوا متاهة
وتلاقي فكرك تاه
والدنيا دي نداهه
والماضي ده مرساه
ارض الحاضر وسماه

فاكر

فاكر لما كنا عيال
فاكر يومها شكل الفصل
فاكر اول تخته شمال
اول كلمة في اول سطر
فاكر اول حب ما بينا
فاكر اول دقة قلب
فاكر اول مرة حلمنا
فاكر اول مرة نحب
فاكر اول نظرة ما بينا
اول بسمه
اول غمزه
فاكر اول لمسه ايد
اول مرة نحب حياتنا
فاكر اول يوم العيد
شيلنا امبارح من حساباتنا

حب بريء
من طفل جريء
رسم الفرحة
إلي قلب رقيق
ضحكه مسامحه

فاكر حصة الالعاب
فاكر يومها شكل حياتنا
فاكر لمة الاصحاب
والضحكة كانت صاحبتنا
ايام جميلة ما تتعوضش
بتمنى دايمما ترجع تاني
والصحبة فيها ما تتكررش
وافرح من قلبي تاني
وادي اللي كان
عن حب زمان
عن الفرحة
والاحساس بالامان

لو

الفرحة لو ضاعت
تتبدل البسمة لـ وجع
والضحكة لو غابت
تحل فـ مكانها الخدع
خيوط الامل دابت
والقلب في الحزن انتقع
والكلمة لو صابت
تمحي حدود السمع

رابع يمين افرح

اول يمين .. اسمع

-

كلام الناس مش غاية
ولا حكاية في رواية
كلام الناس ماهوش منطق
نمشي عليه بعناية

ثاني يمين .. ارجع

-

لما الظالم يصبح مظلوم
والحق يبات محروم
ميزان العدل هـ اختل
والانسان يصبح مهموم

ثالث يَمِين انجح

-

حياتك مش مجرد كلمة
يقولها الناس كده ف قعده
ولا لحن لحن ف كام غنوه
ولا احضان كتير بارده

رابع يَمِين .. افرح

-

انسى حزنك وانسى كلامهم
ارمي همومك بقي بسهامهم
دي سهام مسمومة
واللوم هيبقى لومك
لو يوم تاني سمعتلهم

رباعيات

(١)

اه يا براح عما يضيق ..
لا لاقى ملجأ ولا صديق ..
كل لما اتبسط حبة ..
يتوه مني الطريق ..

(٢)

الغربة سكر متحلي بمرار ..
فرقة شوق حب و اسرار ..
الغربة صحبة ليل طويل ..
دي بداية قصة و الف مشوار ..

(٣)

بحر شعرك مالوش قرار ..
قلبك بينبض اشعار ..
خدني بعيونك بعيد ..
دي عينيك بتحكي اسرار ..

(٤)

جردتني من برائتي ..
ألبيستي ثوب الهموم ..
إِسْتَعْلَيْتُ سذاجتي ..
وقتلنتي بخنجر مسموم ..

(٥)

اضحك اتيسط افرح ..
حب و اوعاك تجرح ..
ابسط نفسك بنفسك ..
اوعي ب احزانك تسرح ...

(٦)

القلب و ما يريد ..
وأنا قلبي لسه وليد ..
للجرح لا يبين ..
ويموت بجرحه شهيد ..

(٧)

يا وش اترسم عليه تجاعيد الزمان
بتحكي وبتشكي حواديت اللي كان
حفرت زكريات .. صرخت آهات
قفّلت على كل الجروح بيان